

և յատիճանս, և տարածանէր եկեղեցի եւ նուազէր կուսակաշառութիւնն : Ի հասանիլ Հրամանի նորին 'ի նահանգսն բազումք նահատակեցան վասն հաւատոցն Քրիստոսի . առաւել կատողէր բռնաւորն 'ի վերայ եպիսկոպոսաց . յետ նահատակութեան Փաբիոս եպիսկոպոսին Հռոմայ, կալան և զծերունին Աղէքսանդրոս եպիսկոպոսն Երուսաղէմի եւ կացուցին առաջի դատաւորին 'ի Կեսարիա Պաղեստինացոց, 'ի դատաստան վասն 'ի Քրիստոս հաւատոցն : Փառաւորեցաւ անդ երկիցս խոստովանելով զՔրիստոս Աստուած, զի էր ծերացեալ եւ լցեալ աւուրքք և պակեալ ծաղկեալ արեօք, կապեալ և դին 'ի բանտի և վախճանեցաւ նա անդ 'ի կապանս (250) : Նոյնպէս և այլք բազումք յայլ տեղիս առաքինացան : Եւ զկնի մահուան սորա կալաւ զԱթուն Երուսաղէմի Մաղբանոս :



## Գ Լ Ո Ի Խ Զ .

Որոգինէս : Նովատիոս աղանդաւոր . Պօղոս Սամասացի :  
Կինն տեւատես :

**ԱՅՐՍ** այս հռչակաւոր բազմահմուտ իմաստութեամբ իւրով, և գերազանց քան զվարդապետ իւր, ծնաւ յԱղէքսանդրեա քաղաքի յամի 185 . որդի Լեւոնդեայ վկայի . աչակերտեալ Ս . Կղեմայ Աղէքսանդրացոյ յերախայական դպրոցի . 'ի մանկութեան այր կատարեալ եւ լի սիրովն Քրիստոսի, քաջալերէր զհայր իւր գրովք 'ի բանտի կալ հաստատուն 'ի հաւատս Քրիստոսի : Եւ հռչակ իմաստութեան նորա . եկաց վարժապետ Երախայական դպրոցին, ուր յաճախէին թիւ աչակերտաց և բազումք եւս 'ի կանանց յուսումն վարդապետութեան կրօնի՝ առ սիրոյ զգաստութեան և իմանալով խոտորնակ զբանսն Քրիստոսի . Մարկ . ԺԹ . 12 . կրճատեաց զանձն, և իմացեալ Դէմէտրիոսի Եպիսկոպոսի Աղէքսանդրեայ յանդիմանեաց զնա : Չոքաւ 'ի Պաղեստին, ուր 'ի Կեսարիա հրաման ետուն նմա Եպիսկոպոսունք յեկեղեցւոջ մեկնել զՔիրոս . դժկամակեալ ընդ